

24 2  
MATHEMATICI  
TRACTATVS DVO NVPER  
GERMANICE EDITI,

JOANNIS FAVLHA-  
BERI, VLMÆ ARITHMETI-  
CI INGENIOSISSIMI,  
CONTINENTES,

*Prior,*  
NOVAS GEOMETRICAS ET OPTICAS  
ALIQVOT SINGVLARIVM INSTRVMENTO-  
ruminuentiones,

*Posterior,*  
VSVM INSTRVMENTI CVIVSDAM BEL-  
GÆ DE NOVO EXCOGITATVM, DIME-  
tiendis & describendis rebus aprum,

ET NOSTRATVM ET EXTERORVM MAGNA-  
tum & Ducum, Philomathematicorumq; gratia  
*sermone Latino versi,*

Per  
IOANNEM REMMELINVM,  
Phil. & Med. Doctorem.



FRANCOFVRTI,  
*Sumptibus Antonii Hummi, excudebat Ioannes Bringer, Anno*  
DoMlnVs tlbI prospiClet.

## LIBER INVIDO S.

Hic oculis opus est iterum, LIVIDE, si qua  
Dentibus occurrat præda parata tuis.  
Cum vitio alterius ceu Lymeus alter acuti  
In nostro segnes cæcaq; talpa simus.  
Rumpere Liur edax, nihil hic quoq; rodere possis;  
Nam clypeus morsus, non timet iste tuos.  
Quod si displiceo minimum referre putabo  
Omnibus in mundo nemo placere potest.  
Hoc opus, hic nobis labor est, hæc certa voluntas  
Quod laus laudatis complacuisse viris.



VIRO ANTIQVA GENERIS  
 NOBILITATE,  
 CELEBRI AVTHORITATIS  
 SPLENDORE,  
 DIGNA VIRTVTVM  
 LAVDE,  
 INFALLIBILIQVE EXPERIEN-  
 TIA RERVVM,

CLARISSIMO, STRENVO, ET  
*præstantissimo*

Dn. JOANNI HEINRICO A  
 NEVHAVSEM IN MITTELBIBRACH  
 ET OBERSVLMADINGEN, POSSESSORI Pi-  
 gnoris Tutelæ Hohenfreyberg, &c. Imperiali Sacre  
 Cæsareæ Majestatis consiliario, Domino  
 meo clement.



*VM Mathematices cognitio suis inclusa repagulis  
 & terminis, Strenue Nobilissimeq; Vir, Do-  
 mine Clementissime, non solum mentes ac ani-  
 mos Philosophicos, ambrosia ineffabili perfundere,  
 A 2 suavis-*

*suauissimisq. refocillationibus recreare soleat, verum potius sibi  
 inuicem correspondens, pro coniuncta materia conditione, toti et-  
 iam vniuersitati, integroq. hominum cetui maximo emolumento  
 esse comperiat, ita ut & laudabile & necessarium, quod a singu-  
 lis & vniuersis impensius excoleretur, dies noctesque tractaretur,  
 eximiusq. beneficii loco, ex largo benigni Dei sinu nostrum animis  
 instillata, cum reuerenda gratiarum actione agnosceretur, susci-  
 peretur, reponeretur. Quare quam alto consilio sapientissima &  
 admiranda antiquitas Matheseus studia, cum Deus omnia in nu-  
 mero, pondere, & mensura disposuerit, simul & explorandi inge-  
 nii acrimonia & acuendi indolis generosa gratia omnibus inge-  
 nuis pueris liberaliter & honeste educendis, in literarumq. studiis  
 permansuris proposuerit & tradiderit, tanquam inexplicabile  
 relinquo: siquidem ab his ac pulcherrimis purissimisq. scientiis, ut  
 de salubri fonte quicquid reliquarum artium vigoris est atq. ele-  
 gantia fluit ac manat. Vnde vllum quarumlibet ingrediatur tra-  
 ctationem possibile est non hallucinaturum, si hac veluti Deda-  
 leum filum vigilanter non respexerit, & firmissima anchora in-  
 star prehenderit. Abeat ergo Aristippus cum suis affectis sophistis  
 clamitantibus falso, quod hac ex fine nil docere videantur, & ut  
 propterea tanquam inutilia eliminantur & euicentur. Abeant rigi-  
 di Critici persuadere conantes, ne perceptis linguarum rudimen-  
 tis pueritia de numeris & magnitudinibus praeceptiones instillen-  
 tur. Abeant morosi censors, qui difficultatem pratendentes satius  
 esse ut tenera aetas impensius utiliora, quae mirifica oculos vulgi  
 vibrando & vel turpis questus vel ostentationis vanae sint, vene-  
 tur, iudicant. Audiatur autem Galenus Hippocratica doctrina  
 commentator perspicacissimus, qui per Geometriam ex variis sese  
 sectarum, disputationumq. Labyrinthis extricasse, & studia alias  
 ob in-*

## DEDICATORIA.

3

ob incertitudinem sibi suspecta, nunc nunc relicta, propagasse  
 confitetur. AEquiori ergo animo diuini Platonis factum, quod &  
 vestibulo & omnibus eius scholæ foribus ἀγωνίστητος ἐδὲς εἰς τοὺς  
 inscripserit, feratur, siquidem omnis superior Facultas hac Philoso-  
 phia parte fraudata manca mutila, exisist, maxime tamē Medi-  
 cina. Nā scriptis Iatromathematicis Hermetis & aliorū intactis,  
 nonne tam manifesto sanitas nostrorum corporum & morbi, ho-  
 rumq; crises ex vario syderum motu dependere conspiciuntur,  
 quorū manifesto ab agricolis sementa crescente Luna proiecta, &  
 ligna decrescere abscessa prodesseprehenduntur? Hippocrates ergo  
 ἐκ ἰλάρχιστος μίρος βυμβαδύται Αστρονομίῃ ἐς ἱατρικὴν ἀλλὰ πάνυ πολλῶς De aer. loc.  
 merito affirmat, quod Galenus repetens, non minimum esse, quod & aq. par.  
 in Medicinam Astronomia conferat & Geometria, qua scilicet  
 astronomiam antecedit, inquit. Miror autem, quod soli lucem ad-  
 dere conor, cū μετὰ γὰρ δὲ τῆς σοφίας ἐς τὴν ἱατρικὴν, καὶ τὴν ἱατρικὴν ἐς τὴν σο-  
 φίαν. Ἰατρός γὰρ φιλόσοφος, ἰσθὲς, & necessum sit, questionibus Medi-  
 cis dissolucendis speculationem Mathematicam attingere. Quan-  
 quam autem in his inperscrutabilis Matthesus sit utilitas, tamē  
 & aliis humanum Genus afficere non desistit. Vnde namque  
 Bellicorum Instrumentorum & urbium propugnaculorum, quib.  
 hostium vis propulsatur, structura & fabrica? unde montium am-  
 bitus & altitudinis, locorumq; situs notitia & descriptio? unde  
 maris terraq; itinerum dimensio? certē ex Mathematica, inter-  
 rim varias & Musicas & Cælestes harmonias, diuersa αὐτῶν μετα-  
 machinarumq; genera ad vsus necessarios comparata, trutinas  
 etiam & stateras quibus exacta numerorum aequalitas in ciuita-  
 te retinetur cum aliis plurimis reticens. Quare his hæcenus per-  
 pensis, cur non omnibus viribus indefessog. studio Medicis Mathe-  
 matico-Philosophica gnauiter adiungere attentauissem, & in pos-  
 terum

sterum succisuis horis his me recreatum iri affirmarem? Ideo paucos ante dies cum inuentiones Honestissimi Ornatissimiq; Viri. Dn. Ioannis Faulhaberi Logistæ Vlmensis, amici mei singularis, ab autore ipso mihi exhibitas perspexissem, intermittere non potui, quin potius earumq; mira nouitate refocillatus, & inexplebili ob plurimas utilitates desiderio plecttus, nec exigui laboris pudore auocatus, in perlegendo stylo & icinno & facili Latine eas consignarem, imprimis cum eiusmodi inuenta apud quosque Præstantissimos Celeberrimosq; tam Germania, quam aliarum nationum Academiis, Mathematicos nunquam inuenerim nec viderim. Versiones autem has cum postmodum Authori, (cuius etiam duo fide dignissima publica testimonia, ipsi propter mirabiles, peritiles & arcanas suas inuentiones concessa vnâ euolueram) ita probari percepissem, ut ipsemet mihi, quò publici luris fiant, stimulus extiterit, illi ego ne communi commodo, quod cum fructu hac ratione exoticis Magnatibus transmitterentur, deesse viderer, consentii.

Cum autem & venusto & vetusto receptum sit more, ut euulgata etiam translata scripta, quò contra virulentos calumniatorum morsus, splendore & tutamine muniantur, Patronum inquirant & elegant, Ego etiam laudibili huic consuetudini minime renitens, & Magnificum, Domine Clementissime, atrium tuum accedens, has Ioannis Faulhaberi, amici mei honorandi, Geometricas & Opticas lucubrationes, ob quas à plurimis strenuis, nobilibus & clarissimis viris, in propriis adibus sepius inuisitur, ac submissæ mentis symbola, Tuæ Str. Nob. offero, consecro, dico: non dubitans, cum generosus Str. tuæ Nob. Animus omnium Matheſe's partium, non tam exacta calleat notitia, quàm erga Doctos Clementia & propensione abundet. (quemadmodum

*modum talia Ioannes Faulhaberus & summis in presentia beneficiis & promotionibus maximè apud Majestatem Cesaream splendidissimis ab hac effectus gratissima humilique mente sufficienter recolligere & deprecare nescit) quin ea hoc qualecunque sit, pro ista Doctrina, sapientia & humanitate in clientelam susceptura, & à liuidorum dentibus Theoninis, oculisque emissitius semper qui rodant & carpant spectantibus, quo olim diuina gratiæ aura aspirante mihi propria & meliora & maturiora mei ingenii acie nata exhibere calcar adderetur, defensura sit. Quod reliquum est, Omnipotentem vnum & trinum Deum, vi diutissime Str. Nob. Tuam sartam tectamque, conseruare, eique pacificum regimen omnibus bonis affluens concedere dignetur, oro, obsecro, obtestor. Vale. Vlma Suatorum à die 9. Calend. April. Anno 1610.*

Strenuæ Tuæ Nobilitatis

additissimus

Ioannes Remmelinus Phil.  
& Med. Doctor.

NOBI-



NOBILITATE, PRVDENTIA, AVTHORI-  
tate, multipliciq; variarum rerum vsu gra-  
uissimo viro,

Dn. WILHELMO SCHOND,  
PATRICIO, SENATORI, ET ARMA-  
MENTORVM ARCHITECTVRÆQVE PRÆFEC-  
cto, &c. Vlnæ, fautori & patrono suo, omni sibi  
obseruantia colendo.



AMPLISSIMI & insigniores, *Vir Nobilissime,*  
*Mæcenas dignissime,* Geometricarum & Opti-  
carum scientiarum in Architectura & re mi-  
litari vsus, manifestissime omnibus cōstant:  
Vnde has exercentes & Magnatibus & Re-  
bus-publicis gratissimi, magnæq; omni tempore auto-  
ritatis fuerunt; inter quas tamen & vsu & commodita-  
te Planimetricæ dimensiones & Opticę delineationes  
reliquis antecellere videntur, cum eis Architecti, Bel-  
ligeratores, & sclopetarii destituti consilia optime cō-  
cepta haud ad optatum finem & actum traducere va-  
leant. Cum ergo *misericors Deus* mediante Mathesi mihi  
(ostentatio dicto ablit) aliquot arcanorum instrumen-  
torum vsus indagare concesserit, omne autē bonum  
sui sit communicatium, consultum etiam laudeq; di-  
gnum, vt vestigiis aliorum clarissimorum authorum,  
Inuentiones & Lucubrationes suas eiusmodi personis  
offerentium, quibus ea & grata ac curæ & cognita ac  
expertæ sint, insistens ego vt hæc, quæ animus publica-  
re constituit, tali Patrono quoq; , vt simul contra igno-  
rantes



rantes & maleuolos eius Patrocinio defenderentur, dedicarem & ascriberem, prospexi.

Intermittere igitur nec debui nec volui, quin noua hæc inuenta *Tua Nobilitatis Censura* deuotè subiicerem, & dedicarem, idq; ob sequentes causas:

Quia nostratum omnes insatiabiles amores & cupiditates, quibus *Præstans tua Nobilitas* Mathematicas has Geometricas & Opticas scientias prosequitur, nōrunt ita vt non modo harum gnaros & professores peculiari gratia sibi deuinciat, verum & sumptuosis Vlmæ ædificaturis, cum admirandis Proportionalibus & Menforiis circulis, ab Ipsamet *Tua Nobilitate* excogitatis, satis superq; testantibus, perfectam & solidam earum cognitionem & scientiam habeat.

Quod etiam ea meis intellectis Inuentionibus & probatis, hætenus plurimis me affecerit beneficiis, cū in promouendo meo labore, fundamenta & perfectionem eius *auaritia* intropiciendo, & instrumenta artificiosè de Aurichalco conficiendo, tum in remunerando, vbi me ante commemoratis de nouo extructis circulis cum sphæra cœlesti & globo terrestri, omnibus Orichalchicis, artificiosis item Quadratis nocturnalibus & aliis pluribus instrumentis benigne & clementer donauerit. Quæ sane vt summam *Tua Nobilitatis* acrimoniam & dexteritatem luculentissime demonstrant, ita beneficia non sufficienter deprædicanda, multò minus talionis lege recompensam, potis esse probant.

Verùm vt aliquo modò saltim gratum meum animum declararem, meritò opusculum hoc, *Præstanti tue*

*Nobilitati*, humiliter offerre & dedicare agnoscere debui, submissè rogans, quò fronte serena acceptetur, & *Nobilitas Tua* me pristino favore in posterum quoque complecti dignetur, quibus *Nobilem Virum* Diuinæ protectioni cum diuturniori felicitate & sanitate commendatum, me vero ad eius omnis generis officia debitorem volo. . Data à die 8. Calend. Octobr. Anno 1609.

*Præstantis Tuae Nobilitatis*

*subiectus*

*Ioannes Faulhaberius,*  
*Arith. & Logista*

**AD**

## AD LECTOREM.

**P**LVKIMIS Clarissimis Authoribus, Philomathematicce benevole Lector, Insignis Mathematicus Archimedes ob varia ab ipso excogitata Mathematica Instrumenta celebratissimus est. Qui cum Hieroni Regi Sicilia, bellico nautiq; Instrumento artem in praesentia demonstrasset, & charus & gratus Ipsi euasit. Et si autem nostro seculo scientia Mathematica summa ferme fastigia attigisse videntur: tamen quotidiana experientia, Deum, communis utilitatis ergo indies hominibus singularia largiri ingenia testatur, ut inueniant, ab qua & ulterius & in rerum operationibus facilius progrediantur: & propterea ii inique agunt, qui prima statim fronte nouos modos conspectos, haud prius expertos, imò saepe non intellectos repudiant & reiciunt.

Cum igitur Anno 1604. diuino adiutus auxilio & gratia, quasdam nonas de Polygonalibus numeris inuentiones diuulgassem, artium studiosis non ingratas, interea autem animaduertissem, subtiliores istas quaestiones, acutioribus solum Arithmeticis & Logisticis, at, Plebeiis minimè commodasse, ita ansam arripui etiam rebus horas successiuas tribuere Reipublica utilibus. Nunc ergo diuina assistente gratia, & in hoc libello patefacta instrumenta & plura alia excogitavi: inter qua Instrumentum, quo, cum omnis generis dimensiones & aqueductus, nouo, exquisito, curto, haecenusq; incognito modo & via absq; calculo obseruantur, tum etiam Integra vrbes, territoria, dioceses, castra & expeditiones duabus & pluribus stationibus delineantur, & postea describuntur, facillimis interim sumptibus Instrumento parato. Similiter aliud Instrumentum cum quo vrbs intra & extra Mœnia duabus in surribus, aut aliis locis, non ex toto conspicua, facile depingatur, quanquam hoc diuisionibus, gradibus & magnetē careat, inuesti-

gani, sitaq; candide lector, tibi his Instrumentis quorum vsum breuissimis, & raptim etiam complexus sum inferuiero, olim volente Deo, eorum commoditates pluribus. Insuper etiam vsum Danielis Specklini Architecti Argentoratensis p. m. nec non aliorum Mathematicorum Instrumentorum alia via, ac ipsi scripserunt, monstrans & patefaciens recensere potero. Interim verum cum talia & similia pro tempore arcana & abstrusa instrumenta (quorum in hoc tractatu nulla planè mentio sit) addiscere fideliter expetis facillime id apud me inuenies, inprimis quæ ratione omnium AEdificia, Vrbes, Castra & diœceses vnica statione non modo delineari, verum & optice depingi & vera infallibilig; proportionem ante oculos poni, similiterq; quomodo noua methodo intra viscera terræ tam in Metallis fodinis quàm aggeribus improniso educendo, retrahendo, subterfodiendo, dissipando, ac commoda occulta & abstrusa via, certò & infallibiliter parari debeant, rogans simul vt errata si aliqua forsân essent, & in figuris aneis à Ioanne Carolo Norimbergensi negotiis suis ordinariis non impedito confectis, & in reliquis, beneuolus lector, candide corrigeat, cum quotidiani labores facile errorem causari possint. Omnipotens Deus nobis omnibus & singulis gratiam concedere velit vt donis suis non abutamur; verum grata mente agnoscamus, & ad proximi commodum salubriter adhibeamus, te summi Dei protectioni & tutela fidelissimè commendans.

AD NOVORVM EXQVISITO-  
RVMQVE MATHEMATICORVM IN-  
STRVMENTORVM INDAGATOREM, VIRVM  
honestissimum ornatissimumq; Dn. IOANNEM FAVL-  
HABERVm, vt Logistam acutum ita Geo-  
metram eximium,

### Epigramma

IOANNIS REMMELINI PHIL. ET  
*Med. Doctoris, compatriota.*

QVID tibi vis scribam? memorem quid carmine lau-  
Ipse tuas longo? non opus esse reor. (des  
Nam quid Pythagoræ præstantibus arte? quid optes  
Maius, quam radii nosse latentis opus?  
Cur non artificis suspexeris illius artes,  
Qui specula lustrans optica tela vibrat?  
Mirum te quod IANÆ potens Natura beaur?  
Quô tibi retrusas perplacet ire vias!  
Viua ingenium! primis splendescis ab annis!  
(At nequeunt quæ sunt magna latere diu)  
Hinc labor hic, quid messis *Lector amande?* frequentî  
Sedulus atrectans experiere manu.  
Si chymici lapidis miraculum dixerò, falsus  
Non videat? plus at nobilitatis habet.  
Non tamen vt facili sunt hæc inuenta labore,  
Proh quam sollicitum condidit auctor opus.  
Ingenii non sunt humani viribus ista  
Eruta; sed summi munere nota Dei.

Excitat ingenuas Heroas in artibus ille,  
 Nec merfas tenebris quas dedit esse finit.  
 Quam dederit varias diuinæ Palladis artes,  
 Hoc & doctorum posthuma scripta probant.  
 Artibus inuentis celebris sit docta vetustas,  
 Nemodò laus studiis desit, honorq; nouis.  
 Nam vulgata haud nunc apponis LANE sed addis  
 Artifices summos quæ latuisse patet.  
 Antiquis ignota viris, mirandaq; nostri  
 Temporis ingeniis, suscipiendus eris!  
 At valeat liuor, paucis licet ista probentur,  
 Sufficiet doctis si placuere viris.  
 Rustica turba tibi non fas mysteria tanta  
 Nosse, Euclýdei hîc fontis origonitet.  
 Ergo sorte tua gaude sis nomine clarus,  
 Clara vetat, casto lumine, Musa mori.  
 Euge Mathematicas sic perge industrius artes  
 Excollere, & studiis velle iuuare tuis.  
 Aurea nam quondam Themidos te puncta saluent  
 Ingenii dotes hæ meruere typum.  
 Sic quo cœpisti stadio decurre, beabunt.  
 Sic te doctorum candida iudicia.  
 Sic te maior honos, sic præmia larga manebunt,  
 Sic laudis veræ vera corona datur.  
 Sic pergas, tecum tua gloria pergere crescet,  
 Non quiuis tantæ munera mentis habet.  
 Hæc laus est mortis nunquam visura ruinam  
 Nil & in hanc Fatum aut Parca seuera potest.  
 Quod super est charos me posthac inter amicos  
 Et patiare locum nomen habere meum.

Sic quoq; semper ero meritorum debitor vsq;  
 Claraq; inoblita munera mente geram.  
 Interea tenues lusi quos accipe versus,  
 Accipe quæso boni consule, viue, vale.

*Eidem*

Anagrammatismus  
 CHRONODISTICHO ANNUM,  
 MENSEM ET DIEM ÆDITI OPE-  
 ris reuelante, inclusus.

IOANNES FAULHABERVS  
 AN LAVS FAVERE BONIS.

ECCE VIRIS, LIBRE HIC VBI TER SEX SVSTINET ORIVS  
 SOL, DE DECVS TIBI, LAVS ANQVE FAVERE BONIS.

ΠΡΟΣ ΤΟΝ ΕΑΥΤΟΝ ΤΕΤΡΑΣΤΙΧΟΝ.

Δ ἄρα τὸ ἐργάσαι καὶ ποιῆσαι ἐστὶν  
 Ὅργανα ἐργάσαι ἀμφοτέρωτε καὶ λυσι.  
 Οὐκ ἔστι, ὅτι καὶ διδοῖται φίλοι φίλοισι αὐτοῖσι  
 Φίλωνται αὐτοῖσι ποῖσι, φίλωνται ἑδὲ θεῷ.

IN OPVS EGREGIVM INGENIOSISSIMI VIRI  
 Domini Ioannis Faulhaberi Vlmensis Mathematici  
 insignis, &c.

Q Vi Mathematicam callent; dextreq; propagant  
 Et Geometriam; munera magna Dei,  
 Quæis longum & latum terras vrbesq; metiri  
 Possumus & summi sydera cella poli.  
 Hi sibi perpetuam laudemq; decusq; parabunt  
 Egregium, doctis non reticenda viris.

Ergo



Ergo nunc grates tibi *Faulhabere* sonemus,  
 Qui nobis præstas munera grata, Vale.

*M. Simon Retter, Gymnasii  
 Nördlingensis Rector, F.*

# IN IDEM

**E** S S E quid hoc dicam, quod sæpè, hic quicquid iisdem  
 Improbatur in studiis, firmiter ille probat?  
 Et quod in haud variis vario discriminere rebus  
 Crebra viri docti bella cieri solent?  
 Esse quid hoc dicam, quod non simul omnibus omnes  
 Doctrinis animos excoluisse volunt:  
 Sed tacitas rerum causas hic mente sagaci  
 Explicat: ast illum sydera nosse iuvat:  
 Hunc morum ratio curis exercet acerbis:  
 Ille facit medio verba diserta foro?  
 Ex aliis alias causas fortasse licebit  
 Discere, consultò quas mea Musa tacet.  
 Horum in natura parens, tu maximus auctor  
 Esse videre mihi, diceris esse mihi?  
 Sic artes, crebro quas versas Marte, politas  
 Ipse magis reddit conspicuasq; magis.  
 Sic artes, solas alta quas voluere mente  
 Quisq; soles laudes de meliore nota.  
 Testis erit nobis vir maximus ille, comatus  
 Præ reliquis cecinit quem sapuisse Deus.  
 Hic neq; naturæ sensus imatus acuto  
 Abdita, nec motus novit & astra poli.

At diuina tamen morum praecepta reliquit  
 Pagina, qua clari docta Platonis habet.  
 Plura tibi nostri versus exempla referrent  
 Si vellem media querere sole diem.  
 Purius hinc veluti verum plerumq, nitefcit,  
 Dissidium doctos cum trahit acre viros:  
 Ardua sic vera scandunt fastigia laudis  
 Qui studio hanc artem feruidiore colunt,  
 Quas natura sibi solerti indagine veri  
 Cimmeriis tenebris exeruisse dedit.  
 Hos inter numerare tuum, Vir sedule, nomen  
 Cynthus auriculam vellicat ipse mihi.  
 Non etenim tantum, qua calculus arte locandus,  
 Et numeris vsq, quis fiet, ore doces:  
 Sis licet hinc etiam meritos indeptus honores  
 Gaudeat & talem Patria nata virum.  
 Quin reliquas etiam quas ingeniosa Mathefis  
 Res habet, exornas sedulitate pari,  
 Nilq, intentatum, nil, Optime, linquis inausum,  
 Egregia ut multos utilitate bees.  
 Hoc pro me tacita iam voce hac charta loquetur  
 Charta Geometrica qua tenet, artis opus.  
 Non illos sequeris stimulis quos acribus vrget  
 Inuida agra viris & male grata Deo:  
 Qui sua scripta praeiungunt multos producta per annos  
 Puluere oq, sinunt illa perire situ.  
 Maeste vix ingenio, cupido sic impete perge  
 Edere grata viris, edere grata Deo.  
 Atq, Geometricis qua plurima & optima condis  
 De rebus, clarum mitte videre diem.

*Sic tua transmittet venturis nomina seclis  
 Mnemosyne, nulla prateritura die.  
 Sic rem communem multum tua Musa iuuabit,  
 Et cunctos, artis quos pia cura tenet.  
 Hoc moneo saltem, ne malis lector abuti  
 Optime, quàm tanta commoditate frui.*

Ioannes Conradus Merckius,  
 Vlmensis scholæ patriæ ob-  
 1776.



VSVS ROTVNDI MAIORIS  
Instrumenti vel tabulae.



**E**TSI *Instrumentum* hoc Astronomiæ  
quoq; inferuiret; tamen cum in Ty-  
chonis Brahe Astronomiæ instauratæ *Tycho Brahe.*  
Mechanica viginti multò perfectiora  
Instrumenta habeantur, Cardanus insuper, A- *Cardanus, A-*  
pianus, Simon Stefin & plures alii antiqui & re- *pianus, Simon*  
centiores authores de similibus Astronomiæ *Stefin.*  
idoneis Instrumentis satis superq; docuerint,  
in præsentia tibi Quadrans cū scala quadran- *Quadratum*  
gulari metrica ex Hulsii, Riuii & aliorum do- *& scala metri-*  
ctrina sufficient. *ca Hulsii,*  
*Riuii.*

Hac vice vsum modò, *Circularis figura*, tam o-  
mnis generis dimensionibus, cum & sine cal- *Dimensio &*  
culo, quàm rerum delineationibus accommo- *delineatio.*  
dæ, experientia quotidiana à me obseruatum  
monstrare constitui. Antequam autem hæc

expedienda assumantur, prius, cum de eo adhuc sub iudice lis sit, quid ruri dimetiendo adhiberi debeat, enodandum. Quidam *decempeda* ab aliis cum tali recta linea difficulter mensuretur, minus idoneam iudicatam, probant, vnde hi *funiculo* cera oblito, nodulisq; interstincto vuntur, quibus tamen tertii generis haud subscribunt, quod funiculum illum iusto plus extendi posse præsentiant. Meo autem consilio discipuli mei Resti debitæ longitudinis viminibus aut animalium nempè equorum capillis constructa, & commodè pedibus decem, viginti, quinquaginta plus minusuè annulis æreis & argenteis interpunctata & gurgillo appropriato inuoluta utebantur. Verum cum huic resti quis diffidere vel sumptibus parcere velit, ei communi fune de vno in alium locum tracto, *decempeda* mediante, perfectè lineam rectam, dimetiri facillimum erit. Dicta etiam viminea aut crinita restis, in extremis metallicum annexum perpendiculum cum tintinnabulo habens commodatissima existit, si in vallo aut turri longum, latum aut profundum.

*Quid aliquibus in dimetiendus agris vti:*

*Quale auctoris pro discipulis consilium.*

*Infalibilis modus.*

dum quid mensurare expetis, cum ea, quam-  
 primum terram attinget, campanula pulsante,  
 loco perpendiculari esse possit. *Restis vimi-*  
*nea proprius*  
*usus.*  
 longioribus viis aut aliquibus aliis, omnibus  
 suis retortis curuitatibus siue diuisionib: gra-  
 dibus & Magnete obseruandis, & demum do-  
 mi peculiari via delineandis inseruit, si nimirū  
 restis huius extremo æreo vel argenteo annulo  
 prehenso, cum eo tardius, quousque tintinna-  
 buli exaudiatur clangor, progrediatur, vbi tum  
 ibi se sistens; altera manu perpendiculum cum  
 campanula retrahet, & indicata ratione vl-  
 terius procedet; &c. Quod nunc sculptum hoc  
*Instrumentum* concernit, si metallicum non pare-  
 tur, asseri modò conglutinetur, in eiusque me-  
 dium seu centrum regula cum duobus dioptris  
*Hac figura li-*  
*gno congluti-*  
*nari potest.*  
 ad placitum trochlea figatur, quæ simul  
*Mensura Proportionalis* vices obeat, & demum firmi-  
 ter Pedi, quorum terni sustentaculis ferreis tri-  
 um, quatuor, quinque; acuminum mihi consue-  
 tis sunt, insistat, quò ita vsui inseruiat.

Cum nunc Instrumento hoc, adhibito cal-  
 culo (cuius tamen minimè indiget) artis oble-

*Dr. Rudolph  
Moguntinus  
Leyde Profef-  
sor.*

stationisq; tantum gratia uti velis, necessum ut  
*Tabulas Sinuum* consulas, quæ tibi ex Clarissimi vi-  
ri Domini & amici mei singularis Rudolphi  
Moguntini, Professoris Leydæ ordinarii libello  
Belgico perspicuè innotescant. Ne autem quid  
desit, tibi earum vsum sequenti exemplo de-  
clarare constitui.

*Altitudinem  
& distantiam  
turris ex ta-  
bulis sinuum  
computare.*


Si turris ob aquas inaccessibilis dimetienda,  
nec statio aliarum impedimentorum causa ad  
latus eligenda, erunt sumendæ in linea recta  
stationes, posito interim eam Planitiem, tam  
submissam, ut oculi radius (Instrumento Hori-  
zontaliter locato) ipsum turris fundum attin-  
gere possit, tum ergo per regulæ dioptras turris  
pinna observata, Angulus, id est, gradus altitu-  
dini regulæ supra Horizontem noletur, sit in  
prima statione 40. graduum, hanc 100. pedes  
antecedas, & uti prius collimes, inuenias quod  
60. gradus, ex quibus cætera domi hac ratione  
colliges. Quia vnus angulus 40. alter 60. gra-  
duum est, necessariò oppositus angulus prior  
20. posterior 30. gradus continebit, siquidem  
ab angulo recto 90. graduum 60. subtracti 30.  
relin-

*Observatio  
hæc in rure ci-  
so peragitur.*



relinquunt. Ponatur ergo in Proportionum *Per calculum.*  
 Regulam sinus de 20. gradibus 3420201. ab ini-  
 titio, in medium 100. pedes, postremo loco si-  
 nus 40. graduum 6427876. ex cuius operatione  
 paulo plus 147. pedes prodibunt, quæ est longi-  
 tudo lineæ primæ stationis ab oculo ad pinnā  
 turris vsq;. Vltcrius procedas, 90. graduum si-  
 nus 10000000. efficit 187. pedes, &c. quid tri-  
 ginta graduum sinus 5000000. parum vltra 93.  
 pedes emergent, tantum prima statio distat à  
 turri. Vt autem altitudo tibi innotescat, rursus  
 colloces 10006000 faciunt 187. pedes, quid 60.  
 graduum sinus 8660254. resultent propè 162.  
 pedes, qui altitudinem turris notant, quod  
 probatu facile est, si ex quadratarum laterum  
 breuiorum rectanguli aggregato radix qua-  
 drata extrahetur, quæ longitudinem hypote-  
 nusæ infallibiliter prodet, quemadmodū Eu-  
 clides 47. prop. lib. 1. demonstrat. Sic quoq; ex  
*tabulis sinuum* supputenda esset distantia primæ  
 stationis ocularis puncti ad fastigium turris, si  
 60. gradus à 180. gradibus subtraxeris, vbi resi-  
 dui 120. gradus anguli quantitatem aperient,  
 quod

47. Propos. lib.  
 1. Euclides.



quod similiter vt præcedens ex Euclide demōstraretur. Verùm explicationis vltioris gratia adhuc aliud exemplū à Christophoro Rudolpho, Michaelē Stiphelio, & Simone Iacobo plurimis pro summo Geometriæ & Mathematices Magisterio habitum & solutum, opponam, quod sic habet.

*Exemplum  
Simonis Iacobi.*

Columna 100. vlnas alta, 40. vlnis à terra, 7. vlnarum imaginem cum alia in acumine ignota magnitudinis habet, ab hac 50. vlnas distante statione electa (intellige si quemadmodum superius diximus per meum Instrumētum obseruetur,) ambæ Imagines eiusdem altitudinis esse apparent, Inquiro ergo de superioris altitudine. Hoc exemplum petentibus & postulanti-bus quibusdam præclaris viris ante plures annos Mathematicè dissolui certa nitens demonstratione. Nunc autem Mechanicè modò per *tabulas sinuum* idem enucleare animus est, sicuti similia exempla à Nicolao Petri Dauengriensi in maiori suo libello Belgicè scripto soluta erant, vt iam apparebit.

Pone 50. efficiunt 100000000. quid 40. vlnæ?  
prodi-

prodibit 8000000. tangens efficiens 38. gradus & 40. minuta, vltcrius 50. dant 10000000. quid 47. emerget 9400000. tangens æqualis 43. gradibus 14. min. de his 38. gradus 40. min. subtracti, relinquunt 4. gr. 34. min. ac verum proprium & communem Imaginum angulum, quatenus optico oculari centro confertur. De nouo ergò collocandum 50. dant 10000000: quid 100. vlnæ, fit tangens 20000000 cuius arcus 63. gr. 26. min. his additis 4. Gr. 34. min. efficiuntur 68. gr. quorum tangens est 24750869: de quibus 20000000. ablati restant, 4750869. Hinc tandem ordinetur 20000000. largiuntur 100. vlnas quid 4750869. exurgent 23. vlnæ cum tribus quart. fermè, quæ altitudo sunt superioris imaginis. Methodo hæc similia exempla mediante hoc Instrumento, omnis generis altitudinibus, latitudinibus & profunditatibus accommodata supputanda essent.

Quod vero difficiliore has quæstiones leuioribus præmiserim, duplici motus ratione feci. Primò acutiorum ingeniorum causa, quod nos superiorem Germaniam inhabitantes tali-

*Dua rationes  
ob quas diffi-  
cilia leuiori-  
bus præmif-  
sa sūt.*

bus (mea scientia) resolutionibus careamus. Secundò, vt Philomathematicus (altioris Arithmetice ignarus) ipso opere deprehendat, quàm utilis facilisq; subscriptus excogitatus modus sit, quem paucis & breuiter superioribus exemplis declarare studebo.

Notandum quod ad collimandum *maior*, ad describendum *minor*, quæ ad lubitum è medio excindenda *circularis figura*, adhibitori debeat.

Si nunc in rure vt in præcedenti exemplo indicatum 40. gradus in prima & 60. gradus in secunda statione inueneris & obseruaueris, domi postea hac via describes.

*Minor circulus* sicuti *maior* foris versus turris fūdum disposita erat, dirrigatur, & linea Horizontalis obscurius protrahatur, & postea regula 40. gradui applicetur, & per hanc linea obscura ducatur, quo facto, circulo acuminato in *Proportionali Mensura* 100. pedes comprehendito, & longitudine hac in Horizontali linea signata, alteri extremo puncto itidem centrum *minoris figure vel circuli*, vt ante apponatur, & regula ad 60. gradum moueatur aliaq; latens linea excutetur, quæ

*Absq; calculo  
novo modo di-  
metiri.*

quæ ubi priorem interfecauit, ibi fastigii turris punctum esse scito, ubi perpendicularis linea in Horizontalem demissa, altitudinem turris, Proportionalis Mensuræ beneficio, faciliè manifestandam cum reliquis dimeriendis vt basis & hypotenusis designabit. Tali via reliqua etiam exempla cum aliis plurimis dimensionibus vtrunque accidunt, soluenda, obseruanda & describenda veniunt, modo diligenter consideretur, & figuræ similes, siue quemadmodum foris erant, efformentur & extruantur. Pulcherrima sanè & celerissima vtilissimaq; belli tempore dimensio hæc existit.

Ad delineandum multa quidem & varia Instrumenta consideraui, hoc tamen præ cæteris ob causas sequentes omnium commodissimū reputo, siquidem ob breuitatem Magnes experientia teste ad longiores in rure lineas obseruandas maximè fallax, ipseq; mobilitate sua (quia sæpè tales delineationes moræ impatientes sunt) summopere molestus, siquidem priusquam quiescat & sistetur, plurima loca hoc instrumento dimetirentur, aliis incommodis si-

*Delineatio.  
Quid Magnes  
in delineando  
incommodi  
praestet.*

lentio præteritis, & quanquam Instrumentum nostrum compassum, prius tamē iustificatum recipere possit, is tamen plus non commodabit, quam Gnomon vulgaris quô quatuor mûdi plagæ dignoscuntur, quod idem ego longè alio præstantiori medio cognoscendum adinueni, cuius etiam gratia in visceribus terræ per integrum Labyrinthum absq; Magnete, progressurum & confido & nosco.

*Nota arcanæ  
Inuentio.*

Hinc si duabus commodis stationibus urbem, territorium, diœcesin, castra vt expeditionem delineare & describere expetis, tum Instrumento decenti modo in prima statione perpendiculariter collocato, per regulæ (leniter hinc inde ne Instrumentum dimoueatur mobiles) dioptras secundam stationem observa, & gradus diligenter nota, dein ad omnia circum circa loca tibi delineanda semper monstratis gradibus ascriptis, collima: mensurata deinde inter stationes distantia, Instrumento q; rursus vt ante disposito, videlicet vt regula ab initio in prima statione signatos gradus tangens, primam stationem retrouidendo, sicuti  
in

in prima secundam indicabat, conspicuā præbeat, his demum peractis de nouo ad præcedētia loca collima & eius gradus à primo ascriptis diuersos itidem eadem sedulitate consigna.

Domini ad delineandum parua *Circulari figura*, *Descriptio.* vtere: hæc cera teriti asseri affixa iustè vt foris erat ordinetur, & per primo omniū notatū gradum vērsum secūdam stationem linea ducatur, cui veram mensuram inter stationes distantiam mediante *Mensura Proportionali* imprimatur, & postmodum per *Circularis figura* omnes consignatos gradus lineæ latentes trahantur, postea & figuræ orbicularis centro perfectè alterius stationis puncto applicato, iterum vt ante obscuriores lineæ ducantur, quæ priores in quaesitis locis nos voti compotes reddentibus interfecabunt, & sic omnia quemadmodum optabantur effecta videbuntur; Tandem puncta hæc chartæ mundæ inscripta cum reliquis perficientur.

Hæ delineationes vberiori demonstratione haud indigent præter eam, quæ altera parte maioris operis fol. 30. & 31. Præclarissimi Dn.

D 3

Simo-



*Dn. Simon  
Stefin.*

Simonis Stefin Illustrissimi Principis & Domini, Domini Mauricii Comitis Belgiae, &c. Mathematici luculentissimè extat. Hoc *Instrumento* si te exercueris, & ob latitudinem diœceseos

*Tres, quatuor  
ue stationes.*

tribus, quatuor vel pluribus stationibus, circa urbem aliquam indigueris, dubium non est, quin te praxis, ut ulteriores institutionem repudias, edoctura sit, scilicet qua ratione agendum, ut tertiæ stationis lineæ primæ & secundæ stationis lineis statim coniungantur & è contrario, &c. Quare fufius non explicandum

*Aqua ductus.*

quomodo hoc *Instrumento* obseruetur; num aquæ ad deputatum locum (ob altiores montes pluribus stationibus visui interceptum) deduci queant, quod historia nostra hunc usque producta diligenti adhibita ratiocinatione eiusmodi facile propalabit. Ad *Proportionum* igitur *Circinum* explicandum me conuertam.

*INSTRVCTIO CIRCINI PROPORTIONVM  
oblongatis figuris insculpti.*

**C**irculum hunc *Proportionum* primo mihi experientissimus Astronomus Dominus *Magister Berneckher* (vniuersitati pro tempore Argentoratensi

*Dn. Magister  
Berneckher.*

ratensi operam locans) me in itineris sui ingressu vſitans, communicauit, quem ita illustraui & adauxi, vt poſtmodum peculiarem ex fundamentis Mathematicis longitudine pedis Vlmæ vſitati confecerim, interim diligenter de vero huius authore inquirenda, quem tandem eximium Mathematicum *Gallileum de Gallilei* Paduæ Profefſorem eſſe reperi: hic ergo meritò primus huius inuentor (non autem ego) & agnoſcendus & nuncupandus venit.

*Gallileus de  
Gallilei Pa-  
dua Prof.*

Hunc circulum ſi libuerit Orichalchicum parare; eiq; deinde puncta & lineas cœſtro incidere, ſin minus, ligno tereti ſolum tabulas ſeu figuras pictas, vt in antecedenti Inſtrumento monitum erat, conglutinare poteris.

Verùm ſi ex fundamentis ſolidioribus hunc ipſum de nouo conficere & conſtituere optares, neceſſum, vt ex *tabulis ſinum, Quadratorum & Cubicorum* puncta deſumas. Me quod ſpectat, ſolùm pro punctis Linæ Metallicæ ego in Armamentario maximum ferreum globum elegi, cum quæ diligentiffimè libraui, & ex eius Diametro

*Diameter pri-  
ma libra ferri*

cam

*Schemata Mathematica in  
alia corpora  
transmutare.*

cam in aliarum corporum formas, operando  
& calculando transmutavi, nec non huius gra-  
tia reliquorum etiam metallorum libræ vnus  
lineas indagavi, quemadmodum talia hinc in-  
de in libellis Mathematicis docentur, vnde v-  
berior institutio non requiritur.

*Vbi cumq; reb.  
sclopetarius in-  
jeruit.*

Hinc quanquam vndiquaq; Pondera & Mē-  
suræ discrepent; tamen omnibus rei sclopetaria  
gnaris etiam hac ratione hinc Proportionū  
circinus vsui erit, modò lineam primæ libræ i-  
stius loci vnus cuiusdam metalli inueniant.

*Facilis Circi-  
ni vsus.*

Vsus huius facillimus est, siquidem circini  
crura (debita cuiusq; lineæ mensura) solūm di-  
latantur, & puncta alio circulo acuminato  
transuersim inquiruntur.

*Mirabilia  
Circino adhuc  
adaptanda.*

Huic etiam internodium volubile, linearū  
instar diuisum, cum aliis plurimis rebus admi-  
randis de commutationibus planarum corpo-  
raliumq; figurarum, & de extractionibus Al-  
gebraicis, nec non Astronomia, Scioteriis, arte  
pyramidalis, &c. adaptari & inscribi possent;  
quemadmodum Ingeniosissimus Pictor  
*Georgius Brendelius* Ciuis Lauinganus, mihi fami-  
liarif-

*Georgius  
Brendel.*

liarissimus eiusmodi Inventiones Sciotericas excogitauit. Vnde *Circini* huius *usus* tot arcanorum, vt fermè ineffabiles.

Quod lineas ambarum figurarum attinet, *Quid linea & puncta denotent vnius figure.* in prima breuissima vnius figuræ linea reperitur V L M E R P F V N D T, denotans libram plumbi ponderis Vlmensis. Linea ergo intra centrum & punctum primum intercepta cubi latere, secundum diametro Cylindri æquè huic alti, tertium sphaeræ, interim reliquis stereometriae inseruientibus, respondebit.

Itaque prima diametro Plumbi habita, & eius longitudine per circum acuminatum, in punctum plumbo destinatum transfuersim in secunda linea posita, efficiet vt omnia Metalla, & lapides vera proportione tibi ante oculos versentur. *Metallica Linea.*

Cum autem Corpus Metallum augendum minuendumq; sit, vt prima diameter intra primum punctum tertiæ cubicæ lineæ collocetur, quorum corporum ad 216. libras proportio pateat, necessum erit. *Cubica linea.*

Eadem ratione omnes regulares Planime- *Quadrata linea.*

E

trica

trica figuræ, in quarta Quadrata linea augentur minuenturæ.

Ultima. verò linea æqualibus diuisionibus partita, plurimis, præsertim communium linearum Proportioni commodabit, vnde exemplum Regulæ Detri vel Proportionum ab Arithmeticæ ignaro solui poterit. Hæc linea Principalibus duobus punctis interstincta superiori D. nolato diametros, inferiori C. Circumferentias circulorum etiam monstrabit.

*Duo puncta principalia.*

*Explicatio al-  
terius figuræ.*

Alteræ figuræ posticæ Circini parti conglutinanda in prima linea breuissima, Metalla ponderis Vlinensis commixta, cum punctis cylindricis, his sterrometricis mensurandis aptis, continet.

*Lineam in æ-  
quales partes  
diuidere.*

Secunda linea æquales diuisiones omnium rectorum linearum sicut ipsæ ciphrae & puncta vsus indicant, suppeditat.

Tertia ad regulares figuras angulares circulis circumscribendas, quod conspicuum, quia numero quaternario inferius (siquidem latus quadrati exterius circulum tangens, diametro eiusdem æquale) inchoatur, inferuit.

Quarta:

Quarta linea Chordas habet, quarum vsus *Chorda.*  
 varius, inprimis ad gradus dilatationis circuli  
 inuestigandos; angulo iuxta 60. gradū (vt dent)  
 proportionaliter disposito. Cuius beneficio  
 etiam stellarum in cœlo ab inuicem distantiae *Gradus stella-*  
 mensurarentur, quod tamen non omnib. pla-  
 cet.

Vltima linea multangulari figura circulo  
 inscribenda hoc modo prodest. Circuli semi-  
 diameter sex angulo applicetur, quo facto tum  
 omnia multangula regularia (quot Circino in-  
 scripta sunt) naturali proportionē interius Cir-  
 culis inscribenda veniunt.

Proprius autem meus exstructus Circinus  
 plura inprimis latere vno contractiori, Instru-  
 mentum nouum sterrometrię liquidorum ac-  
 commodum, altero regulam Mensoriam duos  
 pedes longam Vlmæ consuetam continet.

Circinus hic & longior, quo cum punctis *Circinus hic*  
 gradus etiam reciperet, & inuersus punctis ni- *alio nouo mo-*  
 mirum versus inferiora se contrahentibus effi- *do etiam con-*  
 ci posset. Verum contraria etiam modo vsus *struendus esset*  
 constituendus esset. Vt si Circinum acuminatū,

arti Sclopetariæ commodum cum linea Cubica punctis circa inferiora contractioribus constructum optares, necessarium, vt puncta vel gradus ab alia linea cubica nunc diuisa desumantur & postmodum circino iuxta inferiora cacumina proportionaliter posito, alio circulo (cuius dilatatio primam diametrum repræsentare, & sic inuariatus permanere debet) æqualia transuersalia puncta superiotenus quarantur, eiq; incidantur.

*Vsus.*

Vsus structuræ consentit, siquidem (prætermisso volubili internodio) si alius circulus ad quantitatem Diametri primæ Metallī petiti dilatetur & postea hoc Circino, cuiusq; Sclopeti, Brontei, Exostræ aut Mortarii interior Diameter mensuretur, hic proportionem naturalem consecutus erit, vnde prioris Circuli quantitate in noua cubica linea transuersim quæ sita puncta libras metalli huic Siphoni destinatas monstrabunt. Idem de reliquis lineis iudicium esto. Hinc indefessus vsus, experientiaq; assidua vti dictum, vtilitates & immutationes innumeras manifestabit. Iam Instrumenta Optica explicare aggrediar.

*Pro Sclopetis.*

*Possit ad huc  
alio modo im-  
mutari.*



INTRODVCTIO AD INSTRVMENTA OPTICA, tribus figuris aeneis minoribus comprehensa.

MVLTi Clarissimi viri linguis diuersis Optica scripserunt, quorum tamen Albertus *Aliquot nobiles.*  
 Dûrer, Gualterus Ryffius, Henricus Lauten-  
 faccius, Wencelius Iamitzerus, Daniel Bar-  
 baro, Ioannes Renccerus celebratissimi. Ve-  
 rùm Instrumentorum Opticorum, mea sen- *Repetitio in-  
 uentionis Al-  
 berti Dureri.*  
 tentia, Albertus Dûrer suis prolatis tribus filis  
 author extitit, ita vt recensitus Barbaro hancce  
 Dureri dictorum trium filorum Inuentionem  
 (in perspectiua sua Italica, fol. 191.) rursus modò  
 repetierit & produxerit. Et hoc igitur princi-  
 pio reliqua Perspectiuae Instrumenta originem  
 traxerunt, indeq; repullularunt, quorum Mē- *Mensa Optica.*  
 sa Optica non minimū, cuius processus Chor-  
 da in sequenti tabula A. signata, significatur.  
 De hac prima Experientiss. Doctissimusq; Me- *Dn. Ioannes  
 Terentius Me-  
 dicus.*  
 dicus D. Ioannes Terentius (qui tredecim an-  
 nis, quemadmodum ab ipso certior factus fui,  
 quadraginta Academias, nec non liberalium  
 artium causa totam fermè Europam, semper  
 me prætereundo visitans, peragratus erat) apud

me mentionem fecit, minimum tamen instructionem nec ipse nec alius vnquā mihi dedit, verū ipsemet ego Deo sit laus, nullius adiumento fretus, huius vsum inuestigavi, interim semper de vero authore sollicitus, quem tamen eousq; ignoraueram, quousque à fide dignis Wenzelium Jamizerum, Noribergensem fuisse, intellexissem, quod etiam ex Artificiosi suilibelli Imperatoriæ Maiestati dicati proœmio coniicere licet.

*Quis primus  
inuentor sit.*

*Wenzelius  
Jamitzerus.*



Vsum huius variè consecutus eram. Communissimum modum per cubum illustrare conabor. Depinge Cubi Planitiem inferiorem & erectam in chartas, quarum vna asseri erecti altera in Mensâ iacenti, cera firmiter compingatur, hunc te asserem seu tabulam ligneam iacentem, acu, vno eius angulo Mensâ affige, quo hinc inde moveri possit, Mensâ autem ipsi papyrum, quæ corpus delineandum capiat, conglutina, postmodum Chordam oculare punctum repræsentantem suspende, secundum operis tui commoditatem, quemadmodum in figura patet, & regula posteriori perpendiculari, chordam connexam habente, beneficio styli mobilis acuti altitudinē inferioris lineæ planitiei erectæ, accipe, & inferiorem immobilem stylum seu acumen puncto alicui substratæ planitiei applica, & anteriorem regulam suo stylo Chordæ admoue, eamq; sic inuariatam relinque; tum tabulam ligneam planitiei iacenti substratam, acuq; mensâ affixam rotando dimoue, & anteriori regula Opticum punctum mundæ chartæ imprime: Similiq; modo reliqua

Cubus.

NB. Si planities cubi inferior tabula substrata affigitur, tum corpus Mensæ recipis subiiciens & vicissim.


Vsum Opticæ.

qua puncta optice describe. Verum si inferior Planities cubi in iacenti tabula picta ex toto absoluta sit, tum posteriori regula perpendiculari, quæ annexam chordam habet, per mobilem stylum altitudinem superioris lineæ erectæ planities accipe, & quemadmodum cum inferiori planitie factum operare. Tandem lineis, ut decet optice coniunctis, corpus perfecte absolutum videbitur. Cum nunc vallum aut propugnaculum quoddam optice describere expetis, ulterius non indiges, quam ut habeas planitiem inferiorem, eamque memorato modo optice depingas, &c.

*Secundum  
Opticum In-  
strumentum.*

Huius Instrumenti (quod correxi) in uersa litera B. signati usum, Ioannes Lenckerus Norimbergensis in altera sua parte, fol. 22. & 23. describit his verbis: Si de globo vel alio corpore (punctato) dimidiam planitiem R. delineare cupis, tum hoc corpus in Instrumento G. aut prostratum aut inclinatum firma, postea ligneo operculo E. signato chartulam conglutina, & si deinde extremo styli, punctum corporis certo obseruaueris, stylum eleua & operculum E.

iuxta



iuxta basin H.colloca, punctumq; chartæ R.  
imprime,quemadmodum medium punctum  
cum superiori circulo in operculo E.notato R.  
ob oculos habes;& ita simul altitudines omni-  
um ascensionum punctorum pro delinea-  
tionibus cuius corporis cum stylo D. (iuxta ac,  
plus minusue dimittitur) perspicue dimetiri  
poterunt. Et quanquam globus cum annulo  
in Instrumento G.indicatus sit,tamen singula-

*Lenceri pro-  
pria verba &  
descriptio.*

tim intelligenda sunt, siquidem cum inclinatum annulum coronum vel aliud quid efficere studes, non plus ad eius planitiem R. requires, præterquam superficiem planam cum punctorum suorum signatura: quemadmodum hic ambo exteriores ad annulum iuxta planitiem O. quæ superficies primo in Instrumento G. apud punctum C. inclinata est, cumq; hanc sic delineaueris, eam ad punctum B. dimoue, & vsq; ad A. subleua, & hanc vicissim describe, & sic planitiem R. pro annulo Q. signato absolutam habebis; Attamen in his laboriosis rebus, quib. intra A. & C. plurima Ascendentia puncta vel partes sunt, diligenter attendendum, vt dimotio vt protractio superficialium à C. versus B. eleuatio à B. versus A. debito modo fiant.

*Lenckeri instrumenti cum chorda.*

Hic ipse Lencker alium etiam in perspectiuam modum adinuenit, quem ex dicti Dureri figura, quæ circa finem duarum vltimarum figurarum eius de dimensione cum circulo & regula libri ponitur, nõ primæ editioni, verum alteri modò Anni 1538. addita, speculatu fuisse, iudico. Chorda hæc valde utilis alia etiam ratione



ac Lenckerus descripsit aliquid optice delineare, & omnia depicta ædificia, aliaq; corpora laboriosa & celeriter & facile maiore minora-  
req;.

*Non inuenio, cum chorda omnes opticas figuras maiore & minore.*

Si quis ergo in Opticis habitum absolutum nancisci velit, consultum, vt quinq; regularia & aliquot etiam irregularia corpora, de crassioris firmiori q; charta sibi excindat & paret, quæ etiam de ligno cœlata fieri curet. Per hæc enim tam Mensæ Opticæ (sicuti Albertus Durer exemplo testudinis monstrat,) quam Instrumenti Lencceri, interim singulis punctis sedulo notatis, exquisitum habitum acquiri poterit, si quidemambo Instrumenta cum eorum vsu vnicafundamentali demonstratione nituntur, solùm quod Lenccerus figuram inuerterit differentes, vt hac ratione centrum oculare perpendiculariter decidat. Mihi potius Mensa Optica cum chorda probatur; quod oculi centrum loco suo immobile maneat.

*Varia corpora.*

In quibus autem Lencceri Instrumentum

*Lencceri Instrumentum*



Cubi substratæ planitie, Cera asseri qui in Instrumēto inclinatus existit, firmiter affixi, mediante stylo, superiori chartæ inscribuntur. Postmodum hic asser inclinatus diligenter ad planitiem erectam (quæ itidem inferius glutinata est) secundum debitum dimouetur, & pūcta iterum vt ante describūtur, & tandem corpus vt decet optice pingendo absoluitur. Posset etiam hoc Instrumentum alio modo vsui esse. Similiter vallornū propugnaculorumque planimetrica superficies cum Optica commutetur.

*Tertium Opticum Instrumentum.*

*Architectus nullum parvius instrumentis instrumentis carere cogitur.*


Cum ergo fermè quotidie sepositis consuetis negotiis recreandi causa in Geometricis Opticis & aliis Mathematicis scientiis me exerceam, & ob id semper diuersa & noua reperiā, inprimis autem superius commemoratum Opticum Instrumentum illud molestiæ habeat, vt minus commode iter facientes secum ferre queant, & propterea omnibus & in bellis & in Architectura & in Optica exercitatorum non ex omni parte in delineando votis respondere videatur, ego diuturniori contemplatione de tali

tali commodò modo cogitans tandem, successus Deo prosperante, eo perueni, ut nunc Opticis depictionibus quodcumq; scammum & paries erectus commoda existant, sicuti integra operum in vltima figura C. signata, clarissimè & perspicuè proponitur, nempe ut regula perpendicularis, immobili stylo, puncto planimetrico imponatur, & sic paruo mobili in regula instrumento, manu comprehenso (mediante chorda iuxta stylum mobili) mox Opticum punctum parieti inscribatur, quemadmodum vallum in figura depictum sufficienter declarat & demonstrat. Regula perpendicularis multò etiam contractioni & artificiosiori & omnino alia forma parari posset, ad vitandas autem prolixiores & vberiores ostentationes cum propria laus sordeat, dictorum finis esto.

*Novæ inventio.*

*Facilis usus.*

*Aggero optice depingendorum modus.*



44  
VSUS INSTRVMEN-  
TI CVIVSDAM BELGÆ INGE-  
NIOSI DE NOVO EXCOGITATVS, O-  
mnis generis dimensionibus ac Topographiis  
mira facilitate inseruiens.

*SPECTATAE FIDEI, EXIMIAE QVE AVTHORI-  
tatis Prudentissimo viro Domino Georgio Gollero senatori ac rei  
Armamentaria, Architecturae, Vltra Praefecto, &c.  
strenae loco dicatum*

P E R  
IOANNEM FAVLHABERV M,  
Logistam & Arithmeticum Vlmensem.



252V INVERTER



44 A

